



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LX. Eggehard Wolf zu Taschenberg und seine Vettern verkaufen an Claus, Wilke und Otto von Arnim ihre Besitzungen in Klinkow, am 21. Dezember 1430.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

LIX. Des Markgrafen Johann Abrechnung mit den Greiffenbergern, vom 21. Juni 1430.

Innemen der Greiffenberger. Dit sint dy rente vpp funte michels dage XXV schock gr. von dem tolle, Item vpp funte mertens dage XII gr. vnd X schog gr., Item vpp Wynachten XVIII schog, Item vpp osteren XXV schog gr. von deme tolle, Item vpp funte Wolburgen dage XII gr. vnde X schog orbede, Item vpp funte mertens ouer X gr. V schog. Item prawitz vpp deme bruke hett gegeuen III schog gr., dat is dy plege vpp funte Wolborgeh dag. Item dy schulte vpp den kytz hett gegeuen II schog gr., dat is dy plege vpp funte Wolborgeh dage vnd hett gegeuen I schog, dat is stedegelt von ouermen Jare vnd van dessem iare. Item vpp funte Johannes dage negelt to komende XVIII schog van dem tolle. Item van heyne pule VII schog. Item der alden schulde fur desser rechnung LXXXVII schog XXXIIII gr. I pf.

An der nehsten mittwoch vor sant Johans Bapstige tag Anno domini etc. XXX^o. hat man mit den Greiffenbergern zu Spandaw in der Canczley gerechent, so das In meins heren gnaden von vorfessen czinssen van zweien iaren, nehst vorgangen, aller schulde bisz auff die obgeschriebenen mittwoch schuldig bleibet hundert funffzehn schok XX gr. I pf. Hie bey vnd vber diesser rechnung sein gewesen her hans von waldow, Otto von Sliwen, pawel mörring, heyne pful vnd Johannes Sommer.

Nach dem Copialbuche des Markgrafen Johann fol. 108.

LX. Eggehard Wolf zu Taschenberg und seine Bettern verkaufen an Claus, Wille und Otto von Arnim ihre Besitzungen in Klinow, am 21. Dezember 1430.

In godes namen Amen. Vor alle den Jenen, de dessen brif sehen odder horen lesen, Bekenne ik Egghert wolf med myne rechten eruen, wanastich thu deme taschenberghe, dat ik Clauwesse, wilkene vnde Otte, brüdere, geheytende van arnym vnde ere rechten erue med wolbedachte mude vnde vulbord myner frunt rechte vnde redeliken hebbe vorkoft alsodane gud, alle my myn vader geeruet heft vnde myne rechte eruen thu Clinkow in deme dorpe vnde vppe der veltmarke vnde wes mynes bruder kindere dar ane hebbe moghen albrechtes sone, Egghert vnde Jürghen wolf, dar ane hebbe moghen odder ere rechten erue dar ane hebben moghen. Ok bekenne ik koppe wolf wes ik dar ane hebbe, dat hebbe ik ok vorkoft med myne rechten eruen den vorschreuen van arnym vnde eren rechten eruen, Nameliken uth genomen van den vir hufen de pacht van der vicarrey, Thu deme ersten dat kerklen med aleme rechte, vnd dat ouerste vnde sydeste gerichte des genanten dorpes vnde vppe hans louwen houe vnde hufen de he nu drift, achte schepel kornes vnde vif mark vinkenoughen penninghe vnde eyne schilling vnde tweyer hufen dinst vnde eyne hufe med aleme rechte, den tegenden vnde eyn rok hun; vppe klauwes varmholtes haue vnde hufen vir schepel korns thu sunthe walburgendaghe vestein schillinghe vinkenoughen penninghe, vppe sunthe mertens dach fosse vnde twintigste halue schilling vinkenoughen penninghe vnde twey hufen dinst; vppe Gercken varmholtes haue den tegeden, den dinst vnde eyn rokhun; vppe krinemans haue den dinst, den tegeden vnde eyn rok-

hun; vppe der heyne golnitzschen haue den tegeden, den dinft vnde rokhun; vppe klauwes elfemans haue den dinft, den tegeden, twey rokhunre vnde fos schilling vinkenoughen penninghe; vppe herman varmoltes haue eyner hufen dinft, vppe arnd kerstens haue, dar eyn hufen dinft vppe licht, vppe derfulven hufen vir schepel korns, vppe funthe walburgen dach vstein schilling vinkenoughen penninghe, vppe funthe mertens dach fosse vnde twintigste haluen schilling vinkenoughen penninghe, vppe Clauwes balhores haue den dinft, den tegeden vnde eyn rokhun; vppe der kangouwefche haue vire vnde twintich schillinge vinkenoughen penninge, den tegeden vnde dry rokhunre; vppe Clauwes honefchen haue vstein schillinge vinkenoughe penninghe, den tegeden vnde eyn rokhun; vppe henrik grentzes haue den dinft, den tegeden vnde eyn rokhun; vppe der henningh schultifchen haue vnde hufen den dinft, den tegeden, twey rokhunre vnde eynen schepel korns; vppe hans krugers haue den dinft, vppe bertold vos haue den dinft, den tegeden vnde eyn rokhun; vppe Clauwes landesberghes haue den dinft, den tegeden vnde rokhun; vppe hans balhores haue vnde hufen twey hufen dinft; vppe Junghe hans balhorns haue dry hünre; vppe Clauwes warmholtes haue eyn hun: vnde wes ik vorbenomede Egghert wolf odder myne eruen in deme vorbenomeden dorpe vnde vp der veltmarke thu klinkow hebbe, dat my myn vader geeruet heft, vnde wes mynes bruder kindere dar ane hebben, albrechtes sone vnde wes ik koppe wolf dar ane hebbe. Vor dit benomede gud, alse hir screuen steit, hebbe my de vorgeantent van arnym, Clauwes, wilke vnde otte, med eren rechten eruen thu vullenkomener nughe wol betalet Souen hundred mark guder vinkenoughen penninghe mede vppe mynes bruder kinder behuf vnde erer rechten eruen: vnde ik Egghert wolf med mynen eruen hebbe an deme genanten summe penninghe af gellan de dry hundred mark guder vinkenoughen penninghe, de myn bruder albrecht wolf den vorgeantent van arnym vnde eren eruen schuldich bleuen was. Desse hir genante souen hundred mark guder vinkenoughen penninghe ik Egghert wolf, vor benomet, vor my vnde myne rechten eruen de vorgeantent van arnym vnde ere rechte eruen quid, ledich vnde los late med desseme breue. Desses vorschreuen gudes vnde kopes wil ik Egghert wolf med mynen rechten eruen den vorbenomeden van arnym vnde eren rechten eruen eyn recht gewere wesen vor alles weme, so vake alse dat gud angesproken worde wol thu der nughe vnde vorbat vor mynes bruder kinder odder ere rechten eruen, oft mynes bruder kinden dar wes an deme gude schulde, des wil ik ey benemen wol thu der nughe med mynen rechten eruen sunder weddersprake, vnde vor alle dejene, de vor recht komen, wil ik en eyn gewere wesen sunder weddersprake wol thu der nughe. Ouer dessen kope sint geweset desse erwordighen duchtigen lude, alse hans kluggow, haffe van blankenborch, hans van arnym, Tame van holtzendorp, Heyne stulpenagel vnde mer bedderuer lude, eren vnd louen wert. Thu tughe aller desfer vorschreuen stücke vnde saken na uthwyfinghe desses briues, hebbe ik vorbenomede Egghert wolf met mynen rechten eruen vnde ik koppe wolf met mynen rechten eruen vnser beider ingesegeln laten henghen vor dessen apen briff, de geschreuen vnde gegheuen is na der bort cristi vireinhundert iar, darna in deme druttigsten iare, an funthe thomas daghe vor wynachte des hilgen appostels.

Nach dem Originale des K. Geh. Staatsarchives aus v. Raumer's Abschrift.